

دوسعادتده بکی پوسته خانه قارشوسنده
داثره مخصوصه در
محل اداره:

مستطابق

۱۳۲۶

مساکمزه موانق آثار جدیده مع المنزیه قبول اولنور
درج ایدیلیم آثار اعاده اولتاق

انظار:

دین، فلسفه، ادبیات، حقوق و علوم دن باحث هفته لق رساله در

دوسعادتده نسخه سی ۵۰ پاره در

تیریلده دن مقوا بورو ایله کوندریلیرسه سنوی
۲۰ غروش فضله آلتیر.

دوسعادتده پوسته ایله کوندریلیرسه ولایات بدلی اخذ اولنور.

مؤسسدری: ابوالعلا زین العابدین - ح. اشرف ادیب

تاریخ تأسیسی:

۱۱ نموز ۳۲۴

سنه لکی التي ایلفی

۳۵ ۶۵

۵۰ ۹۰

۵۵ ۱۰۰ غروشدر

دوسعادتده

ولایاتده

ممالک اجنبیهده

برنجی سنه

۳۲۶ شوال ۱۷ پنجشنبه ۳۰ تشرین اول ۳۲۴

عدد: ۱۲

اولان اتفاق نفس ، محافظه حیات ، تقویه بدن انجق پاره ایله ممکن اوله بیلیر .

عائله تشکیل ایتک اولاد و عیالک استراحتلری تأمین و کندیلری تعلیم و تربیه ایله تزیین ایتک دولته ، ملت خدمت ایده جک برحاله کتیرمک انجق پاره ایله ممکن اوله بیلیر . مابعدی وار سپروزمفتیسی زاده :

محمد اسعد

مواظبت

مقررری : مناسرتلی اسماعیل حق افندی
محرری : سیروزی ح. اشرف ادیب

امانت اقسامندن بریده تودیع اولونان اسراردرکه محافظه سنه اعتنا اولونقی مقتضای انسانیتدر . برده انسانک نفسنه متعلق عیوب و مساوی وار. هر نه واسطه ایله ، نه صورتله اولورسه اولسون بومثللو احواله مطلع اولان ارباب حیت، کف لسانی کندیلرینه بویوک وظیفه بیلیرلر، افشایه ، اعلانه هیچ بروقت قیام ایتزلر.

ناسک عیالری افشا ایتک بویوک دناشدنر . کرك قصد آ یاخش اولسون. کرك خطاء . اونی اورنگه چالیشیک. هله قصورینی جنایت شکندنه کوسترک مؤمن شانی دکلدنر. انسان جان صیقتیسیله بعضاً برلا قیردی سویلر. اساساً حق اولور. فقط تنقیداتی، نظم حالی حاوی بولونور. بوکا دائر سوزلری عائد بولندی اشخاصه ایصال ایتک حرامدرکه « نیمه » تسمیه اولنور. مساویدن بحث ایتکده « غیبت » اطلاق اولنوب تحریم ایدلشدنر. مکرکه بر شخص مجاهریندن، غایت مبالاسز اوله، آنک غیبتی حلال اولور. یاخود شریر بر کیسه منافق اولورسه ، صلاح حال اوزره کورنگه چالیشیرسه اونک مساویسنی سولیک لازم کلیرکه عالم شرنیدن صافنسون .

[اذکروا الفاجر بما فيه کی یحذره الناس] بر طاقم فاجر اولان کیسه لر وار، دین علیهنده ، دولت و ملت علیهنده بولورلر ، فرصت بکلرلر. بویله خائیلر ، فاجر کیسه لرك ملعتنی ، فناغنی اورته یه قویک که بیانسونلر ، تمیز ایتسونلر، هرکس شرلرندن خلاص اولسون. بر کیسه یی دوست ظن ایدرسک، مؤخرآ دشمن چیقار. بویله کیسه لری انسان اولجه بیلرسه ، معاملتنده آلدانماز. اولردن اجتناب ایدر ، بالاخره متضرر اولماز . ارباب فساد اولانلر بیلنلی. چونکه جمعیت اراسندن آیقلاغلری لازمدر . خطاء برشیده بولوغش اولانلری ده ممکن مرتبه اورغلی . فناغنی اعتیاد ایدغش اولان قابل اصلاح دکلدنر. بونجه زمان اونکله اوغراشمش. مؤخرآ صنعتنه کساد کلش. یاپدینه ندامت کتیره جک دکلدنر . بلکه سابقه اعتیاد ایله ینه فساده آلت اولمغه چالیشه جق در. بناء علی ذلک بومقوله لرك حرکتی هرکسه بیلدیرمک فرضدر، وظیفه دینیدر . عومک سلامتی ایچون بوغر بلرک باشنی ازمک لازمدر . اوله یا تشج ایدن اعضالر داغما کسلیلر . بتون هیئت عومیه من ، بالجمله ملل واقوام عثمانیه یکوجود اولمالی. جمله سی بر بدن حکمنده در. شمدی

سائر لوازم معیشت بشریه نك حیز آرای حصول اولسنك نه قدر دهشتلی اعانه یه عرض افتقار ایتکده بولندی و بونلر اولیمجه صحتک، حق حیاتک محافظه سی ممکن اوله میه جنی اکلاشیلیرکه بوسورتده یوقاریده سویلدیکمز وجهله هرشیدن زیاده کثیرالاحتیاج اولان افراد بشر ابنای جنسنه انصاف و عدالت ایله ، رفق ولینت ایله، شفقت و مرحمت ایله معامله ایتک وجوبی برقاندنما تظاهر و تحقیق ایدر . تاکه : معاشرت واستیناس بسط خیام آرام وشاهد زیبای تعاون و تناصر دخی عرض کلچهره اقسام ایتسون !

تحصیل علوم و فنوندن صکره اسباب و وسائل معیشتک اعظم واهمی، اعلا و مکملی کسب و غیرتدر. حیاتک روحی فعالیتدر . انسان حیات ایله قائم، حیات بشر دخی چالشمق ایله دائمدر. هرشی چالشمق ایله استحصال، هر احتیاج چالشمق سایه سنده استیصال اولنور. کندینک، اولاد و عیالکک تأمین و توسیع معیشتی ، تحصیل سلامتی ، عزت و سعادت ایچون بذل وجود ایدنلر عند جلیل سبحانیده مقبول و مرغوب اولورلر. انسان بو خصوصده نه قدر چالشسه چالیشه بیلیر . نه قدر چالیشیرسه او نسبتده مستفید ، او نسبتده مظهر تسهیلات رب مجید اولور . انسان مشروع ، جدی ، و ناموسکارانه بر سعی و غیرتله ملیونلره ، میلیارلره مالک اولسه شریعت ، عقل ، وجدان آنک فوقنده کی مسائل متوالیه دن، اندن بیوک بر استفاده مالیه دن کندیسنی منع ایتیور .

شریعت اسلامیه انسانه دنیا ایچون دائمی یا شایه جق هیچ، اولیه . جک کی بر سعی و غیرتی ، آخرت ایچونده همان اوله جک کی عبادات و طاعات ایله تهیه امور آخرتی امر و توصیه ایلیر . حضرت فخر عالم صل الله علیه وسلم افندمن [عارذل سؤال دن کندیسنی وقایه ، اولاد و عیالکک معیشتی تأمین ، نفقه سنی توسیع ، ابنای جنسنه ، قونو قوموشوسنه معاونت و بذل عاطفت ایچون دنیای طلب و جمع اموال و املاک سعی و غیرت ایدنلر یوزلری بدرمنیر کی منور و ضیا پاش اولدیغنی حالده جنسات عالیاته داخل ، جال با کمال الهی یی مشاهده شرف عال العالنه نائل و بو صورتله کندیلری ایچون ابدی بر نعمت ، سرمدی بر عزت ، دائمی بر سعادت حاصل اولور] بیوریورلر .

انسان اکتساب مال و ثروتدن ، جمع اموال و نقوددن نصل منع ایدیله بیلیر ؟ هر کیم اولورسه اولسون شریعتک تجویز و مساعدنه ایتدیکی بردارنده ایشلر ، چالیشیر، قازانیرایسه آنی کیم مؤاخذه ایده بیلور ؟ اقربا و متعلقاته ، فقرا و ضعفایه ، ایتام و ارامله ایفاسیله مأمور و مکلف اولدیغمز اتفاق ، لباس ، اطعام و ابنای جنسمزه قارشى مجبور اولدیغمز معاونت و اکرام آجق پاره ایله ممکن اوله بیلیر .

فرائض اسلامیه و امهات دینیهدن اولان زکات کی ، حج کی ، غزا و جهاد، کی کذلک مقابلنده اجر جزیل و ثواب کثیر موعود اولان واجباتدن قضای حاجت کی ، تصدق کی عبادات و اعمالک تحقیق، بنای مساجد، احیای مدارس و بوکی برچوق مؤسسات عالیه و خیریه نك، انتظام و عمرانک حیز آرای حصول اولسی انجق پاره ایله ممکن اوله بیلیر. کذلک انهای حسن عبادت خصوصنده مواد مهمه متممده معدود

شوقدر اتون ویره جکم . اعلا ، خالص آلتون! « بتون اطرافه بویله اعلان ایتدیلر . بوذات ایسته سیدی بولندقلری یری سویله یه منیمیدی ؟ فقط حریفده مزایای انسانیه وارمش . حالبوکه ابوبکر دن جزئی برپاره آلیردی . پاره به طمعاً الحاق ایتدیمی ؟ مسلمان دکل ایدی ، فقط صاحب صداقت ایدی ، حیت بحجه ایدی . اگر قلبنده خیانتک اولهیدی اوقدر دوهی ، اوقدر تروقی قبول ایتیمیدی ؟ خرسیتان اما امین . ایسته سزه بر مثال تاریخی ...

باق نصل ؟ او اعظم دین هیچ تعصب ایتزلر دی . خرسیتانلری ده خدمتارنده قوللانیرلردی . دینلرنده اونلری سربست بر اقیولردی . کندیسسی مثلاً خرسیتان ، یاخود موسوی . اولسون . اوکا کورهده ایش بولنور . شیمیدی بوخصوصده ، اونک باشقه دینده بولنسی نفقدر ایشه یارادی . اگر بر مسلمان اولهیدی شبهه ایدرلردی . [نیچون کزییور ، نیچون بورالرده طولاشیور ؟] دیه اورالرده تحریات اجراسنه قالفیشپرلردی . ذاتاً ایز آریورلردی . حضرت ابابکر پک فراستلی ایدی . اونی مناسب کورمشدی . هیچ شبهه ایتیلرلر ، اونیده برای تحری طولاشیر ظن ایدرلردی . شیمیدی او طمع ایدهیدی ، بزم خفیهلر کبی مرتکب اولاییدی ، کندیلرینی الهویرر ، بوقدر دوهلر ، بخشیشلر آلیر ، قومی ایچنده شان وشرف قازانیردی ، اویله فقیر قالمالردی . لکن انسانیت جوهری وارمش . نهایت عاقبتی ده خیر اولدی . ایمان ایتدی . سعادت اخروییه قازاندی .

صوکر ا بویله ده چوق مثاللر وار . غیر مسلملردن ، حق قریش دیننده بولوفان برطاقم کیمسه لردن دخی معاونت واقع اولمشدر . اصحاب کرام بولنردن معاونت کوردیلر . رسول اکرم افندمنی هجرتک سکننجی سنه سنه قدر اک برنجی جایه ایدن عجمه سی ابوطالب ایدی . حالبوکه دین اسلامه کیرمه مشدی . صوکر حضرت عمر اسلامیتی قبول ایتدیکی وقت علمینه بفرقه کلدی :

— [لقد صبا عمر] آوازی عیوقه چیقاردی . عمر باشقه دینه کیرمش ، خانه سنی باصه جفز ، کندیسسی اولدوره جکز ...

دیه غایشلره باشلادیلر . پک کوچلرینه کیتدی . اکابر قریش بوندن پک زیاده خویلانیدیلر ، متأثر اولدیلر . اسلامیت کوندن کونه شرف بولیوردی . بر قاق کون ایچنده جناب حزه و عمر « رض » داخل دائره اسلام اولدیلر .

قریشلر : — ایوا ! دیه چوق متأثر اولدیلر . هایدی بر غایش . حضرت عمرک خانه سنی صاریدیلر : — عمری ایسترز ، ایسترز ، دیدیلر . کلسون باقهلم ، دینی دیکشیدیرمک اولورمی ؟ ...

بویله برجم غفیر کلدی . اوخلقی داغیتان کیمدر ، بیلمیمیسکز ؟ « غاص بن وائل » نامنده بریسی درکه « انا اعطیناک » سوره سی اونک حقنده ، حضرت پیغمبره قارشى وقوع بولان ملامتفی تشهیر مقامنده نازل اولمشدر . حضرت عمر افندمن غایت صقیلشدی . چونکه علمینه قیام پک دهشتلیدی .

بتون قریشک سفهاسی ، ایلری کلنلری ، ابوجهلار ، فلانلر هپسی متحداً

بر انسانک برپارمنی قانقران اولورسه نه یاییلیر ؟ همان کیلوب آیتلایورمی ؟ چونکه اویله یاییلاسه اوعلت بتون بدنه سرایت ایده جک ، بتون وجود محو اوله جق . فنا ثابت اولان چوروکلر آیتلانیلر . مضر میقروبلر محو ایدیلیر ، عقربلر ازیلیر ، بیلانلر اولدیریلیر . بر بدن افساد ایده جک ، بروجودی زهرلیه جک . برجمیتی رخنه دار ایده جک نه قدر مضر شیلر ، مفسد موجودیتلر وارسه . اگر جمیتک ادانه حیاتی ، نظام عالمک بقاسی مطلوبسه . اونلری آیتقلامق فرضدر ، وظیفه در ، وظیفه دینه در ، وظیفه انسانیه در ، حق وظیفه قانونیه در . بو بر قاعده در : چوروکلر آیتلانیلر ... چوروک دیش اغزده طوتولورمی ؟ بردیش چورو دیمی آرتق اونی اغزده طوتوق ، مضریدن باشقه برشی منتج اولماز . اونی چیقارتملی ، ولوهاریت اولسون ، یکی دیش طاقلی . — اما بویم دشمدر ، چوروسون ، موروسون ، اغزنده دورسون ...

دیمک موافق عقل وحکمتی ؟ واقعا سنک دیشک ، فقط بر ایشه یارامیور ، الم وبربور . فائده یرینه ضرر تولید ایدیور . اوتیه کی دیشلری ده بوزه جق . صاغلام دیشلر اکسینک اولماسون . اونی سوک ، آت ، اما بوش قاله جقمش ، قالسون . مضر موجودیتدن ایشه نافع معدومیت ایدی . برطاقم فاجرلر ایشه ، طبق بویله چوروک دیش کبی در . نصل چوروک دیشدن فائده مأمول دکلسه اولنردن ده برخیر اومده . نصل چوروک دیشلردن اغزی تمیزله مک لازمه بولنردن ده جمیق اویله تمیزله مک لازمدر . چونکه بونظام عالمک بقاسی مطلوب آتهدر ، بونده بالجه انسانلر علاقه دارد . بوخصوصده اغراض عین ایدیایرسه « آدم ، وارسون چوروکی ده بولونسون ، دیرسه مسئولدر ، دینا مسئولدر . چونکه وظیفه سنی ایفا ایتمه مش اولور .

بونلر هپ معلوم شیلردر . انجق ایچنده بولند یغمز زمانه ، هنگامه بحرانه متعلق وصایای مهمه در . بوکبناء اوزاتوب طوردم . ینه صده رجوع ایدهلم : خرسیتانلردن فائده اولور . اولنرده مناسب خدمتلرده قوللانیلیر . سلطان انبیا افندیغز حضرتلری انشای هجرتلرنده غار شریفده اوچ کون اوچ کیجه قالدیلر ، نه برلردی ، نه ایچرلردی . ابوبکر صدیق افندمنک بر آدمی واردی : (عبدالله بن اریقط) ناند . بر ذات . روایت موثوقیه کوره بوذاته رسول اکرم افندمن ایلله حضرت ابوبکرک راکب اوله جقلری دوهلر اوچ کون ختامندن صوکر غار شریفده ایصال اولتمق اوزره تسلیم اولمشیددی . مومی الیه بوجه مقاوله خدمتی ایفا ایلدی . مؤخرأ یولده کندیلرینه رفاقت ایتدی ، او جوارده قیونلرینی رعای ایلله هر صباح غار شریفده ایصال ایدن ده حضرت ابوبکرک موالیسندن « عامر بن فهیره » (رض) ایدی . هنوز مشرکلرک دیننده ایدی . لکن تجربه ایدلمش . امین کیمسه ایدی . ابوبکره قارشى : « بن تکفل ایدرم » دیدی ، فی الحقیقه هر صباح کندیلرینه سوتلری صاغلق ایچون قیونلر کتیردی . اوخانلر ، ابوجهلار نه قدر ایلان ایتمشلردی : « هرکیم حیاً و یا میتاً حضرت محمد ایلله ابوبکرى الله کچررسه یوز دانه اک قیتلی دوهلرمدن ویره جکم ، بیلم شو قدر کومش ،

کلیدیلر. «عاص» مرقوم، حضرت عمر دن یانه سویلدی: — ایچلرند
اک نفرذلی، غایت جریزه لی برکیمه ایدی. «سز قاریشمایک، دیدی،
بن اونک ایجابنه باقارم. شمدی قبیله سی کلیر. منافسه بو بودجه
بویور.» دهانه سویلدیسه سویلدی، اوغلبه لکی دفع ایدی.

ایشته حضرت عمر بیله دین اسلامده اولمیان برینک یوزندن
معاونت کوردی. ایسترسهک ده یوز دانه مثال بولیم. واسطه بی ده
الله خلق ایدر، دکلکی؟ شمدی حضرت پیغمبر «صل الله علیه وسلم»
افندمن، اصحاب کرام حضراتی غیر مسلملرک معاوتنی قبول ایتشیر ایکن
بزی استغنا کوستره جکز؟ ظلم. مستبد یا خود تذل، متکامل بر
مأمورک یرینه عادل وفعال بر ذات کلش، اما غیر مسلم ایش. وارسون
اولسون. بوندن نه چیقار؟ دکلکی که خادم انسانیتدر، هر حالده
اونک خدمتی شایان تحسیندر. ولو وکلا اولسون، اوله بیلیریا. خصوصاً
شمدیکی حالمز اونی ایجاب ایدر. لکن بعض، أموریشلر اولور،
اورایه نه اونلرک کلمسی مناسب اولور، نه ده اونلرک کلمکه قالفیشیر،
ونده مات حاکمیه معارض اولمیری یاقیشیر. مثلاً، مقام صدارته بر شاقه لی
کچسه اولورمی؟ طبیعی بو اولماز. خاطر دن، بیله کچیرلر. اما دیگر
خدمتله نه دیز؟ حتی داخلیه ناظری اولسه ده اوله بیلیر. .. صداقتله
چالیشدقدن سوکرا، بر چوق سلفلرینه بکزه میهرک، ارتکاب وارثان
صوک درجه چکنه رک، صداقتله ایش کوردکن سوکره وارسون غیر
مسلم اولسون. [دنیا ظلم ایله خراب اولور، کفر ایله خراب اولماز]
مأئنده کی حدیث شریف معلومدر.

سوکرا دهانه داخلدر بو آیتده؟ [واذا حکمت بین الناس ان تحکمو
بالعدل]. امرانک اهالی به قارشی عدالت ایتسی، بوده حقوق عباد
جمله سندندر. اماناتی اهلنه ادا ایدرلر. هرکسک حقنه، حقوقنه رعایت
ایدرلر. قانون الهی موجب حکمه، کذلک قوانین سائر مقتضای نه ایسه
اونی ایفایه (عدالت) دینرکه امرانک رعایایه قارشواک نیوک وظیفه سی
بوندن عبارتدر. [الامام راع ومسئول عن رعيته] حدیث شریفی
معلومدر. یعنی: امام — که خلیفه مسلمین، پادشاه اسلامدر — راعیدر،
هم ده عندالله مسئولدر. الله امر ایدیور: کندیندن عدالت ایسته یور
امانتلری یرینه کتیره جک، پادشاهلر، وزیرلر، سائر مأمورلر هپ
بویله در. مصالح عبادی کوره جک اولان هپ عدالتله، حقانیتله ایش
کوره جکدر.

سوکرا دهانه داخل اولور؟ علمانک جماعت مسلمینه قارشی
عدالتی. علمانک وظیفه سی پک آغیردر. بالخلاصه علما بو خطابه
داخلدر. [عدل العلماء ان ينصحووا العامة ولا يحملوهم على التعصبات
الباطلة] بو، امام رازینک عین عباره سی در. عالمر عوام ناسی او یله
تعصب باطله دعوت ایتیه جک. چونکه دینز او یله امر ایتیمور. فقط
جاهلر غیرت جاهلیه ایجابجه یایق ایستلر: خرسیتانلری کورونجه
شاقه لرینی آتملر دیرلر. نیچون اولسون، نیچون یاپلسون؟ .. بو محضا
جاهلکدر! الله، پیغمبر اجرای آیدلرینه مساعده ایتش، سربست

یاشلرینه اذن ویرمشلر، شریعت مطهره من حقوق ناسک محافظه سی
امر ایتش. پک چوق آیات قرآنیه نیک مقتضای بودر. از جمله سوره
جمعه وارد اولمشدر. [ان الذين امنوا والذين هادوا والصابئين والنصارى
والجوس والذين اشركوا ان الله يفصل بينهم يوم القيامة] یعنی: بیایم،
بن ایچکنزده مناقظر وار، یهودیلر، نصرانیلر وار، مشرکلر، مجوسیلر،
پت پرستلر وار. اونلرک بیزی قیامت کوننده بن فصل ایده جکم. سز
قاریشمایک، کیمسه یه بلا سبب اذا ایتیک! .. هرکسه اذا حرامدر.
مثلاً کتب فقهیه ده مصرحدرکه بر خرسیتانه، بر یهودیه، بر مسلم
«کافر» دیسه شرعاً جزا کورور. تعزیر اولور. کافر ایش اولسون،
عاقبتی نه بللی؟ اولسه بیله سنک کافر دیمکه حقک یوق. شریعت منع
ایدیور. (اشباه نظائر) کتابنده وار. [لهم مالنا وعليهم ما علينا]
دیه کیرییور، پک چوق احکام ذمی بیان ایدیور. بعض شیلر ده بزدن
زیاده اونلر سربستدر. بعض امتیازلری وارددر. بزه ویرلین مساعدا
اونلره ویریش. نه یاپلم؟ الله، پیغمبر ویرمش. مثلاً: بز ظاهر
اولدیهمز حالده جامعه کیره میز. اما خرسیتانلر، غسل ایتهدن کیرلر،
خرستیان آرزو ایتدیکي وقت مساجد شریفیه کیرر. مساعده شرعیه
وارددر. چونکه آبدستله، فروع احکام ایله مخاطب دکل. بومساعده لرده ده
حکمت وارددر: شعائر اسلامیه واقف اولدجه بلکه انصاف
ایدرلر. احترام ایدرلر. طبیعی آیاغه برشی کیرر. حصرلری، خالیلری،
کیرلهدن، پاصلاعه دن کزه بیلیر. ولو شاقه سی باشنده اولسون. کیمکه حق
وار. فقط حرمة چیقاریرلر. انصاف ایدرلر. چیقار مازسه تربیه سزلک
صایلر. نه قیملک ایدنلرک نه مؤذن افندیلرک برشی سویلمکه حق یوقدر.
ایشیدییورم. بعض کسدر تربیه سزلک ایدیورلر. فقط روا دکلدر.
قانون اساسی سایه سنده وارسونلر زیارت ایتسونلر. عواید ویرمز لسه
ویرمسونلر. سن ده براز متضرر اول. باقی که دنیادن ظلم قالفسون. هر
حقوقکه مالک اوله سک. بیلیرمسکز او حاللری. قبالی قوطو دکل ایدی.
مظالم عیوقه جقمشدی. بهچاره کوییلر، اوساکن و مطیع عوجدر
تخملق ذخیره سی صانارلر، ویرکو ویرلردی. سوکره آلانلر
باری یرلی یرینه صرف ایتسلر... اوده یوق. مسرفین، مستبدین کندی
کیفلرینه کوره. کندی سفاهتلری اوغورنده اموال بیت المالی محو وافتا
ایدیورلردی. شمدی بونلر قالدی. قانون اساسی هپ بونالقلری
قالدیردی. قانون اساسی، مسلمین و سائرینک جمله سنک حقوقنی تمامیه
کافلدر. ان شاءالله تدریجاً فائده سی کوریله جک. قانون اساسی که شریعتک
فداکسه ی در، مدار عدالت، منبع حقانیت اوله جق نه قدر اساسلر وارسه
هپسنی مشتدر. قرآن کریم نصل امر ایتش، مثلاً: امانتی ادا ایدک! ..
بیورمش ایسه قانون ده بونی کوستر. قیمتنی بیللم، رجزه شکر ایدلم.